



Pineqartunut paasissutissiineq

Qaleralinnut akitsuusiisarnermut inatsimmik allannguineramik paasissutissiineq

16. december 2015
Sagsnr. 2012-064103
Dok. Nr. 1104966

Inatsisartut 2015-imi ukiaanerani ataatsimiinnerminni qaleralinnut akitsuusiisarneq pillugu inatsisinik allannguipput. Inatsit nutaaq nassuiaataalu kakkigullugit ilanngunneqarput .

Postboks 1605
3900 Nuuk
Tlf. (+299) 34 50 00
Fax (+299) 32 20 42
E-mail: tax@nanoq.gl
www.nanoq.gl

Akilerartarnermut Aqutsisoqarfiup allannguutit annerit naatsumik matumuuna nassuiaateqarfigissavai:

Avataasiarluni aalisarneq:

Qaleralinnut akitsuut ullumikkut atuuttoq 2015-imi ukiup sisamararterutaasa sisamaani kiilumut 3,06 kr.-uvoq, taama angissusiliinermi 2013-imi tunngaviummik naatsorsuinermi atorpeqartoq tassalu kiilumut 2,50 kr. aallaavigalugu . Akitsuut 2016-imi januaarip aallaqqaataani, aallaqqaataaniit aallartittussanngorlugu iluarsivigineqassaaq imaalillugu, 2016-imi ukiup sisamararterutaasa siullianni akitsuut kiilumut 2,50 kr.-ussalluni, naleq. Inatsisartut inatsisaanni nr. 35, 9. december 2015-imeersumi § 3 naapertorlugu. Ulloq akiliiffissaq kingulleq maannakkutut tassaalluni 30. april 2016.

Paragraffimi tassani nutaatut aamma ilaavoq, qalerallit Kalaallit Nunaanni tunitsivinnut tunisassiorfinnulluunniit tunineqarpata tunineqanngippataluunniit akitsuut atuutissasoq . Tunitsivinnut tunisassaaitaasut avammullu niuerutissatut tunisinermi immersuiffissaq sulii atuuttoq atorlugu akitsuut nalunaarsorneqassaaq.

Qalerallit saaniarneqarnissaat siunertaralugit tunisat inatsimmi uani pineqanngillat taamaattumik akitsuuserneqassanngillat, pisassiissummi allaqqappat saaniarneqarnissaat siunertaasoq.

Akitsuut qaammatit sisamakkaarlugit naleqqussarneqartassaaq naleqqussaariaaseq ullumikkut atuuttoq malillugu .

Inatsimmi nutaatutilanngunneqarpoq § 3a, tassani pineqarput aalisakkat ikerinnarsiortut ilaasa tunumi pisarineqartut akitsuutaat. Akitsuuserneqartussat pineqartut tassaapput ammassassuit, ammassaat kiisalu avaleraasartuut taakkulu akitsuutaat aamma assigiinngillat, tassani apequtaalluni angallat atorpeqartoq Kalaallit Nunaanni imaluunniit Kalaallit Nunaata avataani angerlassimaffeqartutut nalunaarsorneqarsimanersoq. Akit atuuttut inatsimmi takuneqarsinnaapput.

Akitsuutininik nalunaarsuinermit naatsorsuusionermullu piffissaliussat qaleralinnut piffissaliussatut assigaat .

Umiarsuaatillit qaammatit sisamakkaartut nikerinnerisa qaammataata naanerani nalunaarsuullutillu akiliisassapput Akilerartarnermut Aqutsisoqarfiup kontoanut 6471 –

1508196-mut paasissutissiinermi taaguutit uku arlaat atorlugit "Ammassassuit", "Ammassaat" imaluunniit "Avaleraasartuut" kiisalu GER nr. nalunaarutigalugu

Akilerartarnermut Aqutsisoqarfik 2016-ip aallartinnerani aalisakkat ataasiakkaat akitsuutaannut immersuiffissaliussaaq taakkulu nittartakkami www.aka.gl -imi aaneqarsinnaassallutik.

Sinerissap qanittuani aalisarneq:

Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaata allanngortinneqarnera pillugu Inatsisartut inatsisaat nr. 35, 9. december 2015-eersumi, inatsisit nutaat ilanngunneqarput. Suliffeqarfiit aamma inuit avataasiorluni aalisarnermi pineqanngitsut, tunitsivimmuut tunisassiorfimmulluunniit qalerallinnik tunisinerminni isertitamik 5 procentiat akitsuutit akilertassagaat pisussaaffilerneqarput.

Inatsimmi aamma allassimavoq, isertitat tunisinermi ajunngitsorsiatut figuneqartut suugaluarpatalunniit soorlu: bonusit, tunissutit, rabat il. il. paasissutissat tamarmik naatsorsuusiarineqassapput, akitsuutip naatsorsornissaanut akitsuutillu eqqortumik akilerneqarnissaanut tunngaviusinnaaniassammata. Tassani aamma akitsuuserneqarsinnaasut pineqarput soorlu angallassinermi tapiissutit, tatiginninnermik akiliutit il.il.

Inatsimmi § 3b imm. 2-mi allassimavoq imm. 1-imik taaneqartunik tunniussisup akitsuut tunniussilernermini unerartissagaa akitsuullu Akilerartarnermut Aqutsisoqarfimmuut akilerlugu. Unerartissineq pissaaq unerartissussaataasup aningaasanik unerartinneqartussanik naatsorsuineratigut, aningaasallu isertitanit ilanngaatiginerisigut. Tamanna takussutissartaqassaaq naatsorsuutit isikkoqarluni akitsuuseriviup iluani tunisinerit takuneqarsinnaanngorlugit. Kiisalu ilaassallutik CPR/GER kiisalu akitsuutit annertussusaat.

Ataani assersuut takuuk.

Tunisisoq	Akitsuusigassat annertussusaat	Tunisinersiusiat/Akiliutit	Akitsuut
CPR-/GER-nummer	Kg	Kr.	Kr. (5%)
220760-xxxx	175	8.750,00	437,50
26121563	1.413	28.350,00	14.175,00
....	
....	
....	
Katillugit	xx.xxx	xxx.xxx,00	xx.xxx,00

Akitsuutit naatsorsuusiarineranut assersuut.

Akitsuusiisarnerit qaammatit sisamakkaarlugit pisarput, nalunaarsuineq kiisalu akiliineq kingusinnerpaamik pissaaq akitsuusiiviusup kingorna qaammatip suliffiusup ulluani kingullermi. Tassa imaappoq, 30 april., 31. juli, 31. oktober kiisalu 31. januar.

Akitsuut Akileraartarnermut Aqutsisoqarfiup kontoanut 6471 - 1508196-imut akilernerqassaaq paasissutissiissutitut allallugu "QALSineriak" kiisalu suliffeqarfiup GER nr-ua.

Akileraartarnermut Aqutsisoqarfik 2015-i naatinnagu akitsuummumut nalunaarsuiffissaliussaaq kiisalu naatsorsuutit takussutissartaannut atornerqarsinnaasumik immersuiffissaliussalluni .

Arlaannik apeqqutissaqaraanni annertunerumilluunniit paaserusutaqaraanni ataani atsiornikut attavigineqarsinnaapput e-mail-ikkut toro@nanog.gl imaluunniit pean@nanog.gl

Inussiarnersumik Inuulluaqqusilluta



Tove Rossen



Peter Aarup Andersen

Qalerallit avaleraasartuullu avataasiarluni aalisarnermi pisarineqartut akitsuutaat pillugit Inatsisartut inatsisaata allanngortinneqarnera pillugu Inatsisartut inatsisaatnr. 35, 9. december 2015-imeersoq (Qalerallit immannguaannaq suliat suliarineqanngitsullu akitsuutaat kiisalu aalisakkat ikerinnarsiortut ilaasa Tunumi pisarineqartut akitsuutaat)

§ 1

Qalerallit avaleraasartuullu avataasiarluni aalisarnermi pisarineqartut akitsuutaat pillugit Inatsisartut inatsisaanni nr. 11, 3. december 2012-imeersumi, Inatsisartut inatsisaatigut nr. 9, 29. november 2013-imeersukkut aamma Inatsisartut inatsisaatigut nr. 10, 8. juni 2014-imeersukkut allanngortinneqartumi makku allannguutigittinneqarput:

1. Inatsisip taaguutaa ima oqaasertaqassaaq:

”Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaat.”

2. § 1, imm. 1, ima oqaasertaqarpoq:

” Qalerallit Kalaallit Nunaata oqartussaaffigisaani nunallu allat oqartussaaffigisaanni aalisarneqartut aamma aalisakkat ikerinnarsiortut ilaat Tunumi aalisarnermi aalisarneqartut akitsuutaat inatsimmi matumani aalajangersakkat naapertorlugit akilerneqassapput.”

3. § 2 ima oqaasertaqarpoq:

”§ 2. Akitsuummik akiliisussaatitaaneq piffissami pisarineqarfianni atuutilissaaq, taamaattorli tak. imm. 2.

Imm. 2. Sinerissap qanittuani qaleralinniarnermi akitsuummik akiliisussaatitaaneq piffissami tunitsivimmuut tunisassiorfimmulluunniit, matumani aamma umiarsuarmut tunitsivimmuut tunisinermi atuutilissaaq.”

4. § 3, imm. 1, ima oqaasertaqarpoq:

” § 3. Suliffeqarfiit aamma inuit avataasiarluni qaleralinniarnissamut pisassinneqarsimasut qaleralinnut kiilumut akitsuut 2,50 kr.-iusoq akilissavaat, taamaattorli tak. imm. 2. Akitsuutip naatsorsornerani ilanngunneqassanngillat pisat ilaat saaniagassatut tunineqartussat.”

5. § 3-p kingornagut qulequtaq ima oqaasertaqassaaq:

”Aalisakkat ikerinnarsiortut ilaasa Tunumi aalisarnermi pisarineqartut akitsuutaat”

6. Qulequttap nutaap kingornagut ilanngunneqassaaq:

” § 3 a. Aalisakkat ikerinnarsiortut ilaasa Tunumi aalisarnermi pisarineqartut akitsuutaat, angallatinut Kalaallit Nunaanni angerlarsimaffeqartutut aamma Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasunut tunngatillugu

angissuseqarput:

1) Ammassassuaq,

a) angallat Kalaallit Nunaanni angerlarsimaffeqartutut nalunaarsorneqarsimasooq atorlugu pisarineqartoq.....kiilumut 0 kr. 25 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq atorlugu pisarineqartoq kiilumut 0 kr. 80 øre.

2) Ammassak,

a) angallat Kalaallit Nunaanni angerlarsimaffeqartutut nalunaarsorneqarsimasooq atorlugu pisarineqartoq.....kiilumut 0 kr. 15 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq atorlugu pisarineqartoq kiilumut 0 kr. 70 øre.

3) Avaleraasartooq,

a) angallat Kalaallit Nunaanni angerlarsimaffeqartutut nalunaarsorneqarsimasooq atorlugu pisarineqartoqkiilumut 0 kr. 95 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq atorlugu pisarineqartoq kiilumut 1 kr. 50 øre.

Imm. 2. Aktie- imaluunniit anpartsselskabip Kalaallit Nunaanni angerlarsimaffeqartup angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq inuttaqartinnagu, kisiannili angallatip naalagaa, maskinmesteria taakkuluunniit marluk kisiisa ilanngullugit attartorpagu, akitsuutit angallatinut Kalaallit Nunaanni angerlarsimaffeqartutut nalunaarsorneqarsimasunut atuuttut akilerneqassapput.

7. § 3 a-p kingornagut qulequtaq nutaaq ima oqaasertaqassaaq:

”Qalerallit sinerissamut qanittumi aalisarnermi pisarineqartut akitsuutaat”

8. Qulequttap nutaap kingornagut ilanngunneqarpoq:

” § 3 b. Suliffeqarfiit aamma inuit § 3, imm. 1-imi pineqartunut ilaanngitsut akitsuut, qalerallit tunitsivimmut tunisassiorfimmulluunniit tuninerisigut isertitamik 5 procentiisut angissusilik akilissavaat.

Imm. 2. Isertitanik imm. 1-imi taaneqartunik tunniussisup akitsuut tunniussilernermini unerartissavaa. Unerartitsineq pissaaq unerartitsisussaataaasup aningaasanik unerartinneqartussanik naatsorsuineratigut, aningaasallu isertitanit ilanngaatiginerisigut.”

9. § 4, imm. 2 aamma 3, ima oqaasertaqarput:

” Imm. 2. Suliffeqarfiit aamma inuit akitsuummik akiliisussaataaasut § 3, imm. 1-imi aamma § 3 a-mi taaneqartut akitsuutip naatsorsornissaanut akitsuutillu eqqortumik akilerneqarnissaanik nakkutilliinissamut tunngavigineqarsinnaasunik naatsorsuusiussapput.

Imm. 3. Suliffeqarfiit aamma inuit akitsuummik akiliisussaataaasut § 3, imm. 1-imi aamma § 3 a-mi taaneqartut akitsuusigassat taakkualu akitsuutitaat piffissap akitsuusiiffiusup qaangiunnerani, kingusinnerpaamillu piffissap akitsuusiiffiusup qaangiunnerata kingorna qaammammi ulluinnarmi

kingullermi akileraaruseriffimmut nalunaarutigalugillu akilissavaat.”

10. § 4 a-tut nutaatut ilanngunneqarpoq:

” **§ 4 a.** Suliffeqarfiit unerartitsisussaataasut § 3 b, imm. 2-mi taaneqartut suliffeqarfiit aamma inuit qaleralinnik tunisisartut, isertitat tunniunneqartut, bonusit il.il. paasissutissallu allat pillugit naatsorsuusiussapput, akitsuutip naatsorsornissaanut akitsuutillu eqqortumik akilerneqarnissaanut tungaviusinnaasunik.

Imm. 2. Suliffeqarfiit aamma inuit unerartitsisussaataasut § 3 b, imm. 2-mi taaneqartut tunitsivinnut tunisassiorfinnulluunniit ataasiakkaanut tunngatillugu tunisat akitsuusigassat amerlassusii, pissarsiat tunniunneqartut amerlassusii taakkualu akitsuutitaat piffissap akitsuusiiffiusup qaangiunnerani, kingusinnerpaamillu piffissap akitsuusiiffiusup qaangiunnerata kingorna qaammammi ulluinnarmi kingullermi akileraaruseriffimmut nalunaarutigalugillu akilissavaat.

Imm. 3. Nalunaarut piffissaagallartillugu nassiunneqanngippat akiliisitsissut piffissamut akitsuummik akiliiffissamut akitsuutip 2 procentiinik angissuseqartoq, minnerpaamilli 500 kr.-iusoq annerpaamillu 5.000 kr.-iusoq akilerneqassaaq.”

11. § 7 ima oqaasertaqassaaq:

” **§ 7.** Naalakkersuisut akitsuummik akiliinnginnissamik qinnuteqaat akuerisinnaavaat, misileraalluni aalisarnissaq peqassutsimut imaluunniit inuussutissarsiornermut pingaaruteqartoq akuersissutigineqarsimappat, aammalu akiliinnginnissamik akuersinerup aningaasatigut sunniutissai annertunngippata.”

12. § 8, imm. 1 ima oqaasertaqassaaq:

” **§ 8.** § 1, imm. 1-imik, § 3, imm. 1-imik, § 3 a, imm. 1-imik, § 3 b-mik, § 4, imm. 2-mik 3-milluunniit, § 4 a, imm. 1-imik 2-millu piaaraluneerluni mianersuaalliorujussuarluniluunniit unioqqutitsineq, imaluunniit akiliinissamut piffissaliussamit sivikinnerusumik piffissaqarluni akiliinissamik qularnaveequsiinissamilluunniit § 5 naapertorlugu peqquneqarnermik malinninnginneq Kalaallit Nunaanni pinerluttulerinermik inatsimmi maleruagassat naapertorlugit pineqaatissiinermik kinguneqarsinnaavoq.”

§ 2

Inatsisartut inatsisaat 1. januar 2016-imi atortuulissaaq.

Namminersorlutik Oqartussat, ulloq 9. december 2015

Kim Kielsen

Uunga

allannguutissatut siunnersuut

Uunga siunnersuut: Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaata allanngortinneqarnera pillugu Inatsisartut inatsisaat nr. x, xXx 2015-imeersoq

Naalackersuisut aappassaaneerinissamut saqqumiussaat.

§ 1-imut

1. § 1, nr. 2, ima oqaasertaqarpoq:

”2. § 1, imm. 1, ima oqaasertaqarpoq:

” Qalerallit Kalaallit Nunaata oqartussaaffigisaani nunallu allat oqartussaaffigisaanni aalisarneqartut aamma aalisakkat ikerinnarsiortut ilaat Tunumi aalisarnermi aalisarneqartut akitsuutaat inatsimmi matumani aalajangersakkat naapertorlugit akilerneqassapput.”

2. § 1, nr. 3, peerneqarpoq.

3. § 1, nr. 4, ima oqaasertaqarpoq:

”4. § 2 ima oqaasertaqarpoq:

”§ 2. Akitsuummik akiliisussaatitaaneq piffissami pisarineqarfianni atuutilissaaq, taamaattorli tak. imm. 2.

Imm. 2. Sinerissap qanittuani qaleralinniarnermi akitsuummik akiliisussaatitaaneq piffissami tunitsivimmut tunisassiorfimmulluunniit, matumani aamma umiarsuarmut tunitsivimmut tunisinermi atuutilissaaq.”

4. § 1-imi nr. 01-itut nutaatut ilanngunneqarpoq:

”01. § 3, imm. 1, ima oqaasertaqarpoq:

”§ 3. Suliffeqarfiit aamma inuit avataasiorluni qaleralinniarnissamut pisassinneqarsimasut qaleralinnut kiilumut akitsuut 2,50 kr.-iusoq akilissavaat, taamaattorli tak. imm. 2. Akitsuutip naatsorsornerani ilanngunneqassanngillat pisat ilaat saaniiagassatut tunineqartussat.”

5. § 1, nr. 7, ima oqaasertaqarpoq:

”7. § 3 a-p kingornagut qulequtaq nutaaq ilanngunneqarpoq:

”Qalerallit sinerissamut qanittumi aalisarnermi pisarineqartut akitsuutaat”

6. § 1, nr. 8, ima oqaasertaqarpoq:

”8. Qulequttap nutaap kingornagut ilanngunneqarpoq:

”§ 3 b. Suliffeqarfiit aamma inuit § 3, imm. 1-imi pineqartunut ilaanngitsut akitsuut, qalerallit tunitsivimmuut tunisassiorfimmulluunniit tuninerisigut isertitamik 5 procentiisut angissusilik akilissavaat.

Imm. 2. Isertitanik imm. 1-imi taaneqartunik tunniussisup akitsuut tunniussilernermini unerartissavaa. Unerartitsineq pissaaq unerartitsisussaataasup aningaasanik unerartinneqartussanik naatsorsuineratigut, aningaasallu isertitanit ilanngaatingerisigut.”

7. § 1-imi nr. 02-tut nutaatut ilanngunneqarpoq:

”02. § 4, imm. 2 aamma 3, ima oqaasertaqarput:

”*Imm. 2.* Suliffeqarfiit aamma inuit akitsuummik akiliisussaataasut § 3, imm. 1-imi aamma § 3 a-mi taaneqartut akitsuutip naatsorsornissaanut akitsuutillu eqqortumik akilerneqarnissaanik nakkuttilliinissamut tunngavigineqarsinnaasunik naatsorsuusiussapput.

Imm. 3. Suliffeqarfiit aamma inuit akitsuummik akiliisussaataasut § 3, imm. 1-imi aamma § 3 a-mi taaneqartut akitsuusigassat taakkualu akitsuutitaat piffissap akitsuusiiffiusup qaangiunnerani, kingusinnerpaamillu piffissap akitsuusiiffiusup qaangiunnerata kingorna qaammammi ulluinnarmi kingullermi akileraaruseriffimmuut nalunaarutigalugillu akilissavaat.”

8. §1-imi nr. 03-tut nutaatut ilanngunneqarpoq:

”03. § 4 a-tut nutaatut ilanngunneqarpoq:

”§ 4 a. Suliffeqarfiit unerartitsisussaataasut § 3 b, imm. 2-mi taaneqartut suliffeqarfiit aamma inuit qalerallinnik tunisisartut, isertitat tunniunneqartut, bonusit il.il. paasissutissallu allat pillugit naatsorsuusiussapput, akitsuutip naatsorsornissaanut akitsuutillu eqqortumik akilerneqarnissaanut tunngaviusinnaasunik.

Imm. 2. Suliffeqarfiit aamma inuit unerartitsisussaataasut § 3 b, imm. 2-mi taaneqartut tunitsivinnut tunisassiorfinnulluunniit ataasiakkaanut tunngatillugu tunisat akitsuusigassat amerlassusii, pissarsiat tunniunneqartut amerlassusii taakkualu akitsuutitaat piffissap akitsuusiiffiusup qaangiunnerani, kingusinnerpaamillu piffissap akitsuusiiffiusup qaangiunnerata kingorna qaammammi ulluinnarmi kingullermi akileraaruseriffimmuut nalunaarutigalugillu akilissavaat.

Imm. 3. Nalunaarut piffissaagallartillugu nassiunneqanngippat akiliisitsissut piffissamut akitsuummik akiliiffissamut akitsuutip 2 procentiinik angissuseqartoq, minnerpaamilli 500 kr.-iusoq annerpaamillu 5.000 kr.-iusoq akilerneqassaaq.”

9. § 1, nr. 12, ima oqaasertaqarpoq:

”12. § 8, imm. 1, ima oqaasertaqarpoq:

”§ 8. § 1, imm. 1-imik, § 3, imm. 1-imik, § 3 a, imm. 1-imik, § 3 b-mik, § 4, imm. 2-mik 3-milluunniit, § 4 a, imm. 1-imik 2-millu piaaraluneerluni mianersuaalliorujussuarlunuunniit unioqqutitsineq, imaluunniit akiliinissamut piffissaliussamit sivikinnerusumik piffissaqarluni akiliinissamik qulamaveeqqusiinissamilluunniit § 5 naapertorlugu peqquneqarnermik malinninnginneq Kalaallit

Nunaanni pinerluttulerinermik inatsimmi maleruagassat naapertorlugit pineqaatissiinermik kinguneqarsinnaavoq.”

Inatsisissatut siunnersuummut oqaaseqaatit

Oqaaseqaatit nalinginnaasut

Allannguutissatut siunnersuut qalerallit immanguaannaq suliat suliarineqanngitsulluunniit annissu-
inermi akitsuutaat pillugu siunnersuummut isornartorsiutaasut akuersaarlugit saqqumiunneqarpoq.
Allannguutip kingunerissavaa inatsisissatut siunnersuutip tassunga tunngasortaata peerneqarnissaa.

Taarsiullugu siunnersuutigineqarpoq nunami tamarmi sinerissap qanittuani qaleralinniarluni aalisar-
nerup isumalluutinik atuinermi akiliummik akitsuuserneqartalernissaa.

Sinerissap qanittuani qaleralinniarnermi akitsuutip tunisinermi isertitat 5 procentiannik angissuse-
qarnissaa siunnersuutaavoq. Taamaaliornikkut tunitsiviit tunisassiorfillu assigiinngitsut tunisinermi
akinik assigiinngitsunik akeqartitsisinnaanerat eqqarsaatigineqarpoq. Procentiliinerup kingunerissa-
vaa akitsuutip tunisinermi akinut sanilliullugu annikitsuinnaanera, tunisinermi akigitat angissusii
apeqqutaatinnagit.

Akitsuummik akiliisussaaneq qalerallit tunitsivimmut tunisassiorfimmulluunniit tunineqarneranni
atuutilissaaq. Akitsuut qaleralinnik tunisisup akiligassaraa. Kisianni tunitsivik tunisassiorfilluunniit
tassaavoq tunisisup isertitassaanit akitsuummik unerartitsisussaataasoq, akitsuummillu unerartin-
neqartumik akileraaruseriffimmut akiliisussaataasoq.

Tunisisup akitsuut aningaasarsiami akileraaruteqaataasussat naatsorsorneranni ilanngaatigisinnaa-
vaa.

Sinerissap qanittuani qaleralinniarnermi pisat tunineqarneranni akitsuusersuinissamik siunnersuutip
kingunerisaanik siunnersuutigineqarpoq avataasiorluni qaleralinniarnermik akitsuusersuineq allan-
ngortinneqassasoq. Allannguutip kingunerissavaa avataasiorlutik qaleralinniat pisaminnit tamanit
akitsuut akilertalissammassuk, taamaallaat avataasiorlutik aalisartut pisaasa ilaat saaniagassatut tu-
laanneqartussaataasut pinnagit.

Avataasiorluni aalisarnerup akitsuusiiffigineqarnerata pisat ilaannik tulaanneqartussaasunik ilane-
qarneranut taarsiullugu akitsuutip angissusia appartinneqassaaq, avataasiorluni aalisarnerup akitsu-
titigut nammackersugaanera ataatsimut isigalugu allanngortussaajunnaarlugu. § 3, imm. 1-imi
atuuttumi akitsuut 2,50 kr.-inik angissusiligaavoq. § 3, imm. 2 naapertorlugu aaqqiissutip kingune-
raa akitsuut kingulleq atorneqartoq tassaammat 3,06 kr.-it. Siunnersuutigineqarpoq akitsuut inatsi-
sip atortuulerfia aallarnerfigalugu 2,50 kr.-inut angissusilerneqassasoq. Avataasiorlutik aalisartut
akitsuutitigut nammackersugaanerat taamaalilluni ullumikkutut iinnassaaq. Avataasiorluni aalisar-

nermut tamarmut akitsuutip angissusissaata akitsuutip angissusia § 3, imm. 1-imi allassimasoq angeqqatigimmagu tamanna nalaatsornerinnaavoq. Akitsuutip angissusia nutaaq 2016-imi kvartalit aappaat aallarnerfigalugu § 3, imm. 2-mi aalajangersagaq naapertorlugu aaqqinneqartassaaq.

Sinerissap qanittuani qaleralinniarnemit 2016-imi akitsuutitigut isertinneqartussat 20 mio. kr.-it missaanniinissaat eqqoriarneqarpoq. Isertitassat angeqqatigaat qalerallit immannguaanaq suliat suliarineqanngitsulluunniit annissorneranni akitsuutikkut isertinneqartussat. Allatut oqaatigalugu, allannguutissatut siunnersuut isertitassanut sunniuteqartussaangilaq.

Allannguut umiarsuaatileqatigiiffiit kiisalu tunitsiviit tunisassiorfiillu akitsuutit naatsorsornissaanut akilernissaannullu allaffissornissaannik kinguneqassaaq.

Angallatini inuttat aalisarnermi pisat naapertorlugit akissarsisinneqartarpat, akitsuullu akissarsiasat tamarmiusut inuttanut tunniunneqannginneranni ilanngaatigineqassappat, siunnersuut taakkununga sunniuteqassaaq.

Aalajangersakkanut ataasiakkaanut oqaaseqaatit

Nr. 1-imut (inatsimmi § 1, imm. 1)

Inatsisip atuuffiata suliffeqarfinnik inunnillu aalisakkat ikerinnarsiortut ilaannik, matumani aamma ammassassuarnik ammassanillu Tunumi aalisarnissamut pisassinneqarsimasunik ilaneqarnissaa siunnersuutaavoq.

Aammattaaq atuuffianut ilanngunneqarput sinerissap qanittuani qaleralinniarnermi pisat tunitsivinnut tunisassiorfinnullu tunineqartut. Maannamutuut pineqartunut ilaapput suliffeqarfiit inuillu avataasiorluni qaleralinniarnissamut avaleraasartooriarnissamullu pisassinneqarsimasut.

Nr. 2-mut (inatsisissatut siunnersuummi nr. 3)

Inatsisissatut siunnersuummi § 3-p peerneqarnissaa siunnersuutaavoq, qalerallimmi immannguaanaq suliat suliarineqanngitsullu annissornerini akitsuut peerneqarmat, sinerissallu qanittuani qaleralinniarnermi akitsuummik taarserneqarluni.

Nr. 3-mut (inatsimmi § 2)

Avataasiorluni qaleralinniarnermi aamma aalisakkat ikerinnarsiortut ilaannik Tunumi aalisarnermi akitsuummik akiliisussaatitaaneq piffissami pisarineqarfianni atuutilissaaq.

Imm. 2-mi aalajangersakkap kinguneraa sinerissamut qanittumi qaleralinniarnermi akitsuummik akiliisussaatitaanerup piffissami pisat tunineqarfianni atuutilernissaa.

Nr. 4 (inatsimmi § 3, imm. 1)

Aalajangersakkap kinguneraa avataasiorluni qaleralinniarnermi pisat akitsuutaannik appaaneq. Tassunga taarsiullugu pisat ilaat tunitsivinnut tunisassiorfinnulluunniit tulaanneqartussat akitsuusigas-sanut ilanngunneqarput, tassa pisat ilaat saaniagassatut tunineqartussat pinnagit. Umiarsuit tunitsi-viit matumani tunitsivittut tunisassiorfittulluunniit isigineqarput.

Pisassiinermi pisat qanoq amerlatigisut pisalluunniit ilaat qanoq amerlatigisut saaniagassatut tulaanneqartussaataitanerannik aalajangersaasoqarsimanngippat akitsuut pisanit pisat allattorneqarfi-anni nalunaarsorneqartunit tamarmiusunit naatsorsorneqassaaq.

Nr. 5-imut (qulequtaq nutaaq)

Aalajangersagaq aaqqiinermik pissuteqarpoq, tamannami inatsisip atuuffiata sinerissap qanittuani qaleralinniarnermik ilaneqarnerata kingunerisaanik qulequttamik nutaamik ilanngussinerummat.

Nr. 6-imut (inatsimmi § 3b)

Sinerissap qanittuani qaleralinniarnep isumalluutinik atuinermi akiliummik akitsuusiiffigineqarta-lernissaa siunnersuutaavoq.

Akitsuut sinerissamut qanittumi qaleralinniarnermi pisarineqartut tunitsivinnut tunisassiorfinnul-luunniit tunineranni isertitat 5 procentiinik angissuseqarpoq.

Isertitatut isigineqassapput aningaasat, pigisat assigisaalluunniit tunisanut taarsiullugit tiguneqartut. Isertitanutaaq ilaapput soorlu bonusitut tunniunneqartut, tunissutit, suut aningaasaanngitsut, akikil-liliissutit assigisaalluunniit, tunisisup qaleralinnik tunisinermini taartitut tigusai.

Kalaaliaqqanut (kalaalimineerniarfinnut), suliffeqarfinnut, kantiinanut, neriniartarfinnut il.il. tunisi-neq tunitsivinnut tunisassiorfinnulluunniit tunisinertut isigineqanngilaq.

Imm. 2-mi aalajangersakkami aalajangersarneqarpoq tunitsivik tunisassiorfilluunniit tassaammat isertitassat tunniunneqalerneranni akitsuummik unerartitsisussaataasoq. Unerartitsineq pissaaq unerartitsisussaataitasup aningaasanik unerartinneqartussanik naatsorsuillunilu isertitassanit ilan-ngaatiginninneratigut.

Nr. 7-imut (inatsimmi § 4, imm. 2-3)

Inatsisip atuuffiata aalisakkat ikerinnarsiortut ilaannik Tunumi aalisarneqartunik ilaneqarnera allannguummut pissutaaneruvoq.

Aalajangersakkami aalajangersarneqarpoq, suliffeqarfiit inuillu avataasiarluni qaleralinniarnissamut kiisalu aalisakkat ikerinnarsiortut ilaannik Tunumi aalisarnissamut pisassinneqarsimasut akitsuut pillugu naatsorsuusiortussaataitaallutillu nalunaarutiginnittussaataitasut. Kiisalu akitsuutip piffissagallartillugu akilerneqarfissaa aalajangersarneqarpoq.

Aammattaaq akitsuutit pillugit nalunaarsuiffiit akiligassat allagartaasa il.il. assilineqarnerannik ilaqartinneqarnissaannik piumasagaat atorunnaarsinneqarpoq, paasissutissammi tamakku akitsuutit naatsorsornissaanni pisariaqanngillat.

Nr. 8-mut (§ 4 a nutaaq)

Aalajangersakkami aalajangersarneqarpoq suliffeqarfiit qaleralinnik sinerissap qanittuani aalisarnermi pisarineqarsimasunik tunisisoqartillugu isertitassanik tunniussisussat, tunitsivinnut tunisassiorfinnulluunniit ataasiakkaanut tunngatillugu naatsorsuusiortussaataitasut, akitsuutip naatsorsornissaanut aammalu akitsuutip akilerneqarnerata nakkutiginnissaanut tunngaviusinnaasunik.

Tassungalu ilutigigitillugu aalajangersakkami allanneqarpoq akitsuutip nalunaarutigineqarnissaanut akilerneqarnissaanullu piffissaliussaq. Akitsuummik akiliisussaataitasup nalunaarut piffissaagallartillugu nassitunngippagu akiliisitsissut akitsuutip 2 procentiinik angissuseqartoq, minnerpaamilli 500 kr.-iusoq annerpaamillu 5.000 kr.-iusoq akilerneqassaaq.

Nr. 9-imut (inatsimmi § 8, imm. 1)

Inatsisip atuuffiata ilaneqarnerata kingunerisaanik siunnersuutigineqarpoq aalajangersagaq allanngortinneqassasoq, aalajangersakkanik nutaanik unioqqutitsisoqassagaluarpat pineqaatissiisoqarsinnaaqullugu.

ILUARSIISSUTIT

Siunnersuut 19. august 2015-imik ullulerneqartoq taarserpaat

Tunngavilersuut

Akitsuusersugassat inatsisissatut siunnersuummut 19. august 2015-imeersumut sanilliullugu ilaneqarnissaat Naalakkersuisut siunnersuutiginiarlugu aalajangerput.

Taassuma kingunerisaanik allannguutit, matumani aamma isertitassatut naatsorsuutigineqartunik nalileeqqinneq oqaaseqaatini ilanngunneqarput.

Uunga siunnersuut: Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaata allanngortinneqarnera pillugu Inatsisartut inatsisaat nr. x, xXx 2015-imeersoq

(Qalerallit immannguaannaq suliat suliarineqanngitsullu akitsuutaat kiisalu aalisakkat ikerinnarsiortut ilaasa Tunumi pisarineqartut akitsuutaat)

§ 1

Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaanni nr. 11, 3. december 2012-imeersumi, Inatsisartut inatsisaatigut nr. 9, 29. november 2013-imeersukkut aamma Inatsisartut inatsisaatigut nr. 10, 8. juni 2014-imeersukkut allanngortinneqartumi makku allannguutiginitinneqarput:

1. Inatsisip taaguutaa ima oqaasertaqassaaq:

”Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaat.”

2. § 1, imm. 1, ima oqaasertaqassaaq:

”Suliffeqarfiit aamma inuit Kalaallit Nunaata oqartussaaffigisaani nunallu allat oqartussaaffigisaanni avataasiorluni qaleralinniarnissamut imaluunniit aalisakkat ikerinnarsiortut ilaannik Tunumi aalisarnissamut pisassinneqarsimasut pisamik ilaasa, Kalaallit Nunaanni tunitsivimmut tunisassiorfimmulluunniit, aalisarneq pillugu inatsit naapertorlugu tunineqartussaannngitsut landskarsimut akitsuutaat inatsimmi matumani aalajangersakkat naapertorlugit akilissavaat.”

3. § 1-imi imm. 2-tut nutaatut ilanngunneqassaaq:

”Imm. 2. Suliffeqarfiit aamma inuit qalerallinnik Kalaallit Nunaanniit annissuisut, qalerallit tunineqartut suliarineqanngitsut imaluunniit niaqui paperuiluunniit atatinnarlugit suliat anninneranni landskarsimut akitsuut inatsimmi matumani aalajangersakkat naapertorlugit akilissavaat. Akitsuusi-gassanut ilaangillat pisat ilaat imm. 1 naapertorlugu akitsuuserneqartussat.”

Imm. 2 matuma kingorna tassaalerpoq imm. 3.

4. § 2 ima oqaasertaqassaaq:

”§ 2. § 1, imm. 1 naapertorlugu akitsuummik akiliisussaataaneq piffissami pisarineqarfianni atuutilissaaq.

Imm. 2. § 1, imm. 2 naapertorlugu akitsuummik akiliisussaataaneq piffissami annissiffiusumi atuutilissaaq.”

5. § 3-p kingornagut qulequtaq ima oqaasertaqassaaq:

”Aalisakkat ikerinnarsiortut ilaasa Tunumi aalisarnermi pisarineqartut akitsuutaat”

6. Qulequttap nutaap kingornagut ilanngunneqassaaq:

”§ 3 a. Aalisakkat ikerinnarsiortut ilaasa Tunumi aalisarnermi pisarineqartut akitsuutaat, angallatitut Kalaallit Nunaanni angerlarsimaffeqartutut aamma Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasunut tunngatillugu angissuseqarput:

1) Ammassassuaq,

a) angallat Kalaallit Nunaanni angerlarsimaffeqartutut nalunaarsorneqarsimasooq atorlugu pisarineqartoq.....kiilumut 0 kr. 25 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq atorlugu pisarineqartoq kiilumut 0 kr. 80 øre.

2) Ammassak,

a) angallat Kalaallit Nunaanni angerlarsimaffeqartutut nalunaarsorneqarsimasooq atorlugu pisarineqartoq.....kiilumut 0 kr. 15 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq atorlugu pisarineqartoq kiilumut 0 kr. 70 øre.

3) Avaleraasartooq,

a) angallat Kalaallit Nunaanni angerlarsimaffeqartutut nalunaarsorneqarsimasooq atorlugu pisarineqartoq.....kiilumut 0 kr. 95 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq atorlugu pisarineqartoq kiilumut 1 kr. 50 øre.

Imm. 2. Aktie- imaluunniit anpartsselskabip Kalaallit Nunaanni angerlarsimaffeqartup angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq inuttaqartinnagu, kisiannili angallatip naalagaa, maskinmesteria taakkuluunniit marluk kisiisa ilanngullugit attartorpagu, akitsuutit angallatinut Kalaallit Nunaanni angerlarsimaffeqartutut nalunaarsorneqarsimasunut atuuttut akilerneqassapput.

7. § 3 a-p kingornagut qulequtaq nutaaq ima oqaasertaqassaaq:

”Qalerallit immannguaannaq suliat suliarineqanngitsulluunniit akitsuutaat”

8. Qulequttap nutaap kingornagut ilanngunneqassaaq:

”§ 3 b. Qalerallit § 1, imm. 2-mi pineqartut kiilumut akitsuutaat 2,00 kr.-iuvoq.”

9. § 7 ima oqaasertaqassaaq:

”§ 7. Naalackersuisut akitsuummik akiliinnginnissamik qinnuteqaat akuerisinnaavaat, misileraalluni aalisarmissaq peqassutsimut imaluunniit inuussutissarsiornermut pingaaruteqartoq akuersissutigineqarsimappat, aammalu akiliinnginnissamik akuersinerup aningaasatigut sunniutissai annertungippata.”

10. § 8, imm. 1 ima oqaasertaqassaaq:

”§ 8. § 1, imm. 1-imik 2-millu, § 3, imm. 1-imik, § 3 a, imm. 1-imik, § 3 b-mik, § 4, imm. 2-mik 3-milluunniit piaaraluneerluni mianersuaalliorujussuarluniluunniit unioqquitsineq, imaluunniit akiliinissamat piffissaliussamat sivikinnerusumik piffissaqarluni akiliinissamik qularnaveeqquusiinissamilluunniit § 5 naapertorlugu peqquneqarnermik malinninnginneq Kalaallit Nunaanni pinerluttulernermik inatsimmi maleruagassat naapertorlugit pineqaatissiinermik kinguneqarsinnaavoq.”

§ 2

Inatsisartut inatsisaat 1. januar 2016-imi atortuulissaaq.

Namminersorlutik Oqartussat, ulloq x. xXx 2015

Kim Kielsen

ILUARSIISSUTIT

Siunnersuut 19. august 2015-imik ullulerneqartoq taarserpaat

Tunngavilersuut

Akitsuusersugassat inatsisissatut siunnersuummut 19. august 2015-imeersumut sanilliullugu ilaneqarnissaat Naalakkersuisut siunnersuutiginiarlugu aalajangerput.

Taassuma kingunerisaanik allannguutit, matumani aamma isertitassatut naatsorsuutigineqartunik nalileeqqinneq oqaaseqaatini ilanngunneqarput.

Inatsisissatut siunnersuummut oqaaseqaatit

Oqaaseqaatit nalinginnaasut

1. Inatsisissatut siunnersuutip tunngavia

Aalisakkat ikerinnarsiortut ilaasa Tunumi aalisarnermi pisarineqartut isumalluutunik atuinermi akiliummik akitsuuserneqartalermissaat kiisalu qalerallit immannguaannaq suliat suliarineqanngitsullu annissuinermi akitsuuserneqartalermissaat siunnersuutikkut atuutilersinneqassaaq. Marluullutik siunertaraat inuiaqatigiit tamattaalluta aalisakkanit pisuussutitsinnit iluanaarutunik amerlanerusunik pissarsinissaannik qulakkeerinissaq.

Aalisarnerup isumalluutunik atuinermi akiliummik akitsuusiiffigineqartalermissaa Akileraar-tarneq Atugarissaarnerlu pillugit Isumalioqatigiissitap 2011-mi isumaliutissiissummini inassutigaa. Inassuteqaatit Aalisarneq pillugu Ataatsimiititaliarsuup 2009-mi isumaliutissiissutaanik aamma Benchmarkingsudvalgip (Kalaallit Nunaanni akileraaruseeriaaseq akitsuuseeriaaserlu pillugit nunanut allanut sanilliussilluni nalunaarusiortup) 2003-mi nalunaarusiaanik tunngaveqarput. Isumalioqatigiissitap isumaqarpoq aalisagaativut tassaasut pinngortitap pissarititai inuiaqatigiit pigisaat.

Pinngortitap pissarititaanik atuneq aningaasarsiornikkut sapinngisamik tunngavigissaartumik pisariaqarpoq. Tamanna siunissaq ungasinnerusoq eqqarsaatigalugu inuiaqatigiit ataatsimut isigalugit aningaasarsiornikkut pissarsissutaanerusariaqarpoq. Angusaqarfiulluurtumik aalisarneq isumalluutinit iluanaaruteqarfiunerussaaq. Inuiaqatigiit isumalluutinit iluanaarutit ilaannik naammaginatutissatut pissarseqataassapput, tassa isumalluutunik atuinermi akitsuutitigut.

Avataasiorluni raajarniarneq, qalerallinniarneq avaleraasartoorliarnerlu kisimik maannakkut akitsuusersugaapput. Akitsuusersuinerup aammattaaq aalisakkat ikerinnarsiortut aningaasarsionermermi soqutiginaatillit ilaannut atuutilersinneqarnissaa eqqortuusorineqarpoq, tamarmiulluta aalisakkanit pisuussutitta ilaannik taakkuninnga aalisartut atuinerminnut akiliisussanngorlugit.

Aalisakkat ikerinnarsiortut ilaannik pineqartunik aalisarnerup isumalluutinik atuinermermi akiliummik akitsuusiiffigineqarnissaq nammassinnaassagaa nalilerneqarpoq.

Qalerallit immanguaannaq suliat suliarineqanngitsulluunniit akitsuusersornerisigut neriuutaavoq annissuinermermi akitsuut nunatsinni suliffissat, taamatullu aamma akileraarutinit A-nit isertitat amerlanerulernerannik kinguneqarumaartoq, tassa nunanut allanut nioqqutissiortut qalerallit Kalaallit Nunaanni suliarinissaat akitsuut pissutigalugu orniginerulissammasuk. Akitsuuteqaraluartorli nunanut allanut nioqqutissiortut aalisakkanik suliarineqanngitsunik annissuinissaq ingerlatiinnarusunnerusinnaavaat. Taamaassappat akitsuut tamatumunnga taarsiullugu landskarsimut isertitsissutaassaaq.

2. Siunnersuutip imarisai pingaarnertit

Aalisakkat ikerinnarsiortut ilaannik Tunumi aalisarnerup isumalluutinik atuinermermi akiliummik akitsuusiiffigineqartunut ilaalernissaa siunnersuutaavoq. Aalisakkanik ikerinnarsiortunik aalisarneq matumani pineqartoq tassaavoq avaleraasartoorliarluni, ammassassuarniarluni ammassanniarlunilu aalisarneq. Tunumi pisaassiiffiit nunat tamalaat immamik misissuisarnermut ataatsimiititaliaata (ICES-ip) aalisarfigeqqusai tassaapput II, V, XII aamma XIV, imartani Kalaallit Nunaata oqartussaaffigisaaniittut.

Aalisakkanik ikerinnarsiortunik Kitaani aalisarnerup suli akitsuusersorneqannginnissaa siunnersuutaavoq. Tassunga pissutaavoq Kitaani misileraalluni avaleraasartoorliarnissamut, ammassassuarniarmissamut ammassanniarmissamullu tunngavissat maannakkuugallartoq nalorninartulerujussuunerat. Aalisarfiit tamakku, siunissami aningaasarsiuutiginnissaat siunertaralugu aalisarfiusinnaanerat paasiumallugu misissuiffigeqqissaarneqartariaqarput. Aalisartut Kitaani aalisakkanit ikerinnarsiortunit isumalluutissat misissuiffigineqarnissaanni peqataajumassusiat millisikkumanagu siunniunneqarpoq tamaani aalisarneq maannakkuugallartoq akitsuusersuiffigineqassanngitsoq. Kitaani misileraalluni avaleraasartoorliarnermermi akitsuut maanna atuuttoq siunnersuutikkut atorunnaarsinneqassaaq.

Taamatutaaq siunnersuutaavoq bláhvillinnginik guldlaksinillu misileraalluni aalisarneq akitsuusersuiffigineqassanngitsoq, taakkuninngami aalisarneq 2013-imi 2014-imilu amerlanngiluinartunik taamaallaat pisaqarfiusimavoq, soorluttaaq taakkuninnga aalisarneq aatsaat ineriartorfimminiileruttortoq.

Aalisakkanik ikerinnarsiortunik aalisarneq nutaajulluinnarpoq, aalisakkanullu amerlanernut tunngatillugu suli misileraalluni aalisarnertut taaneqarsinnaalluni. Taakkunani misilittakkat ta-

kutippaat kalaallit umiarsuaatileqatigiiffiisa pisassiissutit tamakkerlugit pisarisinnaasimanngikkaat, taamaammallu pisassinneqartut ilaasa arlaqartut pisassatik, aalisartitseqatigiiffinnut nunanit allaneersunut isumaqatigiissuteqarlutik taakku angallataataat atorlugit pisarisimagaat. Tamatuma kingunerisimavaa aalisarneq Kalaallit Nunaanni annikitsuinnarmik suliffissaqartisisimasoq angallatitigullu ineriartortitsiviusimasoq. Taassuma ilutigisaanik nunat allamiut angallataannik nunanit allaneersunik inuttalinnik atuneq akileraarutitigut isertitat ikittuinnarnik amerlinerannik aamma nassataqarsimavoq. Tassa imaappoq selskabit nunanit allaneersut aalisarnerminnit sinneqartoorutaajunnartunit selskabit akileraarutaannut akiliisanngillat, soorluttaaq aamma inuttat nunanit allaneersut akissarsiaannit akileraarutinut A-nut akiliisanngitsut.

Kalaallit angallataataannik kalaallinillu inuttanik atuinersitsinikkut kalaallinik sulisoqarnissaq angallatitigullu ineriartortitsinissaq annertusarniarlugit, aammalu landskarsip aalisarnikkut iluanaarutaasut ilaannik naammaginarunik pissarseqataanissaa qulakkeerniarlugu siunnersuutigineqarpoq isumalluutininik atuinermi akitsuutit assigiinngitsuussasut, taamaallitutik aalisakkat angallatit Kalaallit Nunaanni angerlarsimaffeqartutut nalunaarsorneqarsimasut atorlugit pisarineqartut, aalisakkanit angallatit Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasut atorlugit pisarineqartunit appasinnerusumik akitsuusersorneqarlutik.

Akitsuutinik assigiinngitsuutitsinissaq taaneqareersutuut kalaallit angallataannik inuttanillu kalaallinik atuinissap pilerinarsarnissaanik ilaatigut tunngaveqarpoq, ilaatigullu aamma pissutaavoq kalaallit angallataataannik aamma/imaluunniit inuttanik kalaallinik atuneq akileraarutinik A-nik selskabillu akileraarutaannik isertitsissutaasussaammata, taamaammallu taakku isumalluutininik atuinermi akitsuusersuiffigineqarnissaat aalisakkanik ikerinnarsiortunik angallatit allat atorlugit pisarineqartunit akitsuusersuinerminngarnit appasinnerutinneqarsinnaasoq.

Aammattaq siunnersuutaavoq qaleralinnik immannguaannaq sulianik suliarineqanngitsunilluunniit annissuineq kiilumut 2,00 kr.-inik akitsuusersorneqassasoq. Siunnersuutip kingunerissavaa suliffeqarfiit inuillu qaleralinnik Kalaallit Nunaanniit annissuisut, qaleralit suliarineqanngitsut imaluunniit niaqui paperuiluunniit atatiinnarlugit suliarineqarsimasut annissornerini landskarsimut akitsuummik akiliisussanngornissaat.

Aalisakkat niaqui paperuilu peerlugit Kalaallit Nunaanni suliarineqarpata annissuinerminni akitsuummik akiliisoqassanngilaq.

Akerlianilli aalisakkat, assersuutigalugu avaleraat niaquiluunniit kisiisa Kalaallit Nunaanni peeriarlugit kingorna Kalaallit Nunaanniit anninneqarpata, taava annissuinerminni akitsuut siunnersuutigineqartoq akilerneqassaaq.

Siunnersuummi taamaallaat pineqarput qaleralinnik tulaanneqarsimasunik annissuineq. Avataasiorluni qaleralinniarnermi pisarineqartut tulaanneqartussaannngitsut siunnersuutip kingune-

risaanik marloriaammik akitsuusersorneqarnaviangillat, tassa qalerallit pisanerinerinut akitsuutitip qalerallit annissornerinut akitsuummik qallereratigut.

Inatsisip atuutsinnera pillugu aalajangersakkat qalerallit akitsuutaanni atuuttumi aalajangersarneqartut annissuinerimi akitsuummuttaaq atuutissapput.

Akitsuummik akiliisussaataaneq atuutilissaaq piffissami nunanut allanut nioqqutissiortup aalisakkanik inummut pingajuusumut tunisiffiani.

Suliffeqarfik inulluunniit qaleralinnik Kalaallit Nunaanniit annissuisoq akitsuutitip akilernissaanut pisussaavoq. Akitsuut kvartalikkaartumik naatsorsorneqarlunilu akilerneqassaaq.

Akitsuut akileraaruseriffimmut nalunaarutigineqarlunilu akilerneqassaaq kingusinnerpaamik kvartalip qaangiunnerata kingorna qaammammi ulluinnaat kingullersaanni. Suliffeqarfiup akitsuut piffissaagallartillugu akilinngippagu sivikinnerusumik piffissaqarluni akiliinissaaq akileraaruseriffiup peqqussutigisinnaavaa, soorluttaaq akitsuutitip akilerneqarnissaanut qularna-veequsiinissaaq piumasarineqarsinnaasoq.

Aammattaaq inatsisissatut siunnersuut akileraaruserinermik ingerlatsineq pillugu Inatsisartut inatsisaannut attuumassuteqartinneqassaaq. Akileraaruserinermik ingerlatsineq pillugu Inatsisartut inatsisaat maleruagassanik, qalerallit avaleraasartuullu avataasiorluni aalisarnermi pisanerineqartut akitsuutaat pillugit Inatsisartut inatsisaannut (matumani allanngortinniarnearqartoq ima Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisanerineqartut akitsuutaat pillugit Inatsisartut inatsisaat) atatillugu nakkutilliineq, kingusinaarluni akiliinermi ernialersuineq, isumakkeerineq ilaallu ilanngullugit pillugit akileraaruseriffiup suliasamik naammagittaalliummillu suliaqarnerani pingaaruteqartunik ilaatigut imaqarpoq. Tassa imaappoq Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisanerineqartut akitsuutaat pillugit Inatsisartut inatsisaata atuutsinneqarnera, akileraarutit akitsuutillu pillugit inatsisitut allatuulli Akileraaruserinermik ingerlatsineq pillugu Inatsisartut inatsisaanni maleruagassat malillugit ingerlanneqassaaq, aalajangersakkat immikkut ittut ingerlatsinermut pingaarutillit Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisanerineqartut akitsuutaat pillugit Inatsisartut inatsisaanni aalajangersarneqarsimangippata.

Inatsisissatut siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisissatut siunnersuut</i>
	§ 1
	Qalerallit avaleraasartuullu avataasiorluni aalisarnermi pisanerineqartut akitsuutaat pillugit Inatsisar-

	tut inatsisaanni nr. 11, 3. december 2012-imeersumi, Inatsisartut inatsisaatigut nr. 9, 29. november 2013-imeersukkut aamma Inatsisartut inatsisaatigut nr. 10, 8. juni 2014-imeersukkut allanngortinneqartumi makku allannguutigittinneqarput:
Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaat	1. Inatsisip taaguutaa ima oqaasertaqassaaq: ”Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaat.”
§ 1 <i>Imm. 1.</i> Suliffeqarfiit aamma inuit avataasiorluni qalerallinnarnissamut taamatullu aamma avaleraasartoorniarnissamut pisassinneqarsimasut pisamik ilaasa, aalisarneq pillugu inatsit naapertorlugu Kalaallit Nunaanni tu-nitsivimmuut tunissassiorfimmulluunniit tunineqartussaangitsut landskarsimut akitsuutaannik, inat-simmi matumani aalajangersakkat naapertorlugit akiliissapput.	2. § 1, <i>imm. 1</i> , ima oqaasertaqassaaq: ”Suliffeqarfiit aamma inuit Kalaallit Nunaata oqartussaaffigisaani nunallu allat oqartussaaffigisaanni avataasiorluni qalerallinnarnissamut imaluunniit aalisakkat ikerinnarsiortut ilaannik Tunumi aalisarnissamut pisassinneqarsimasut pisamik ilaasa, Kalaallit Nunaanni tunitsivimmuut tunissassiorfimmulluunniit, aalisarneq pillugu inatsit naapertorlugu tunineqartussaangitsut landskarsimut akitsuutaat inatsimmi matumani aalajangersakkat naapertorlugit akilissavaat.”
	3. § 1-imi <i>imm. 2</i> -tut nutaatut ilanngunneqassaaq: ”Suliffeqarfiit aamma inuit qalerallinnik Kalaallit Nunaanniit annissuisut, qalerallit tunineqartut suliarineqanngitsut imaluunniit niaqui paperuiluunniit atatinnarlugit suliat anninneranni landskarsimut akitsuut inatsimmi matumani aalajangersakkat naapertorlugit akilissavaat. Akitsuusigassanut ilaangillat pisat ilaat <i>imm. 1</i> naapertorlugu akitsuuserneqartussat.” <i>Imm. 2</i> matuma kingorna tassaalerpoq <i>imm. 3</i> .
	4. § 2 ima oqaasertaqassaaq: ”§ 2. § 1, <i>imm. 1</i> naapertorlugu akitsuummik akiliisussaataaneq piffissami pisarineqarfianni atuu-tilissaaq. <i>Imm. 2.</i> § 1, <i>imm. 2</i> naapertorlugu akitsuummik akiliisussaataaneq piffissami annissiffiusumi

	atuutilissaaq.”
<i>Avaleraasartuut akitsuutaat</i>	<p>5. § 3-p kingornagut qulequtaq ima oqaasertaqas-saaq:</p> <p><i>”Aalisakkat ikerinnarsiortut ilaasa Tunumi aalisarnermi pisarineqartut akitsuutaat”</i></p>
<p>§ 3a</p> <p>Akitsuut avaleraasartuumut, angallat Kalaallit Nunaanni angerlarsimaffeqartutut nalunaarsorneqarsimasooq atorlugu pisarineqartumut kiilumut 0,95 koruuniuvoq.</p> <p>Imm. 2. Akitsuut avaleraasartuumut, angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq atorlugu pisarineqartumut kiilumut 0,95 koruuniuvoq.</p>	<p>6. Qulequttap nutaap kingornagut ilanngunneqassaaq:</p> <p>”§ 3 a. Aalisakkat ikerinnarsiortut ilaasa Tunumi aalisarnermi pisarineqartut, angallatinut Kalaallit Nunaanni angerlarsimaffeqartutut aamma Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasunut akitsuutaasa angissusii:</p> <p>1) Ammassassuaq, a) angallat Kalaallit Nunaanni angerlarsimaffeqartutut nalunaarsorneqarsimasooq atorlugu pisarineqartoqkiilumut 0 kr. 25 øre. b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq atorlugu pisarineqartoq kiilumut 0 kr. 80 øre.</p> <p>2) Ammassak, a) angallat Kalaallit Nunaanni angerlarsimaffeqartutut nalunaarsorneqarsimasooq atorlugu pisarineqartoqkiilumut 0 kr. 15 øre. b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq atorlugu pisarineqartoq kiilumut 0 kr. 70 øre.</p> <p>3) Avaleraasartooq, a) angallat Kalaallit Nunaanni angerlarsimaffeqartutut nalunaarsorneqarsimasooq atorlugu pisarineqartoqkiilumut 0 kr. 95 øre. b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq atorlugu pisarineqartoq kiilumut 1 kr. 50 øre.</p> <p><i>Imm. 2. Aktie- imaluunniit anpartsselskabip Kalaallit Nunaanni angerlarsimaffeqartup angallat</i></p>

	<p>Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasooq inuttaqartinnagu, kisiannili angallatip naalagaa, maskinmesteria taakkuluunniit marluk kisiisa ilanngullugit attartorpagu, akitsuutit angallatinut Kalaallit Nunaanni angerlarsimaffeqartutut nalunaarsorneqarsimasunut atuuttut akilerneqassapput.”</p>
	<p>7. § 3 a-p kingornagut qulequtaq nutaaq ima oqaasertaqassaaq:</p> <p><i>”Qalerallit immannguaannaq suliat suliarineqanngitsulluunniit akitsuutaat”</i></p>
	<p>8. Qulequttap nutaap kingornagut ilanngunneqassaaq:</p> <p>”§ 3 b. Qalerallit § 1, imm. 2-mi pineqartut kiilumut akitsuutaat 2,00 kr.-iuvoq.”</p>
<p>§ 7</p> <p>Naalakkersuisut qalerallit akitsuutaannik akiliinnginnissamik qinnuteqaat akuersinnaavaat, misileraalluni aalisarnissaq peqassutsimut imaluunniit inuussutissarsiornermut pingaaruteqartoq akuersissutigineqarsimappat, aammalu akiliinnginnissamik akuersinerup aningaasatigut sunniutissai annertunngippata.</p>	<p>9. § 7 affattes således:</p> <p>” § 7. Naalakkersuisut akitsuummik akiliinnginnissamik qinnuteqaat akuersinnaavaat, misileraalluni aalisarnissaq peqassutsimut imaluunniit inuussutissarsiornermut pingaaruteqartoq akuersissutigineqarsimappat, aammalu akiliinnginnissamik akuersinerup aningaasatigut sunniutissai annertunngippata.”</p>
	<p>10. § 8, imm. 1 ima oqaasertaqassaaq:</p> <p>”§ 8. § 1, imm. 1-imik 2-millu, § 3, imm. 1-imik, § 3 a, imm. 1-imik, § 3 b-mik, § 4, imm. 2-mik 3-milluunniit piaaraluneerluni mianersuaalliorujusuarluniluunniit unioqqutitsineq, imaluunniit akiliinissamat piffissaliussamat sivikinnerusumik piffissaqarluni akiliinissamik qularnaveeqqusinissamilluunniit § 5 naapertorlugu peqquneqarnermik malinninnginneq Kalaallit Nunaanni pinerluttulernermik inatsimmi maleruagassat naapertorlugit pineqaatissiinermik kinguneqarsinnaavoq.”</p>

	§ 2 Inatsisartut inatsisaat 1. januar 2016-imi atortuulissaaq.
--	--

3. Pisortanut aningaasatigut allaffissornikkullu sunniutissai

Aalisakkat ikerinnarsiortut landskarsimut katillugit 55 mio. kr.-it missinginik isertitaqaataannissaat siunnersuutip kingunerissavaa. Naliliinermi pisarnertuut eqqoriarneqarpoq 2016-imi pisarineqarumaartussat avaleraasartuut 2013-imi, 2014-imi 2015-imilu pisarineqartut agguatigiissillugit amerlassusiisa 80 procenterissagaat, ammassassuit ammassallu 2014-imi pisarineqartutuulli amerlatigissasut. Pisarineqartut ikinnerussappata akitsuutitigut isertinneqartussat taamatulli aamma ikilissapput. Akitsuut aningaasartuutit allat assigalugit umiarsuaatileqatigiiffiit aningaasarsiaannit akileraaruteqaataasussanit ilanngaatigineqarsinnaammat, taamaalillunilu umiarsuaatileqatigiiffinnut akileraarusigassanut ikilissutaassammat, taava aningaasartuutit tamarmiusut 23 mio. kr.-it taamaalillutik kingunerissavaat aalisakkanik ikerinnarsiortunik aalisarneq, akileraarutit ilanngaatigereerlugit 32 mio. kr.-it missaannik isertitaqaataajumaartoq.

Qalerallit immannguaannaq suliat suliarineqanngitsulluunniit akitsuutaasigut isertinneqartussat 2016-imi 20 mio. kr.-it missaanniissanganineqarput. Isertinneqartussat akileraarutit A-t, taakku amerlanersaat kommunit pissaat, aamma akitsuutit amerlinerineersuussapput. Isertinneqartussat akileraarutinit A-nut akitsuutinullu qanoq agguataarsimanissaat maannakkuugalartooq eqqoriarneqarsinnaanngilaq, akitsuutimmi tunisassiorfinni sutigut allannguuteqartitsisinaanera pillugu paasissutissat ilaatigut pigineqanngimmata. Akitsuut suliaaqqartitsinerulernermik kinguneqarpat, akissarsiarititanullu aningaasartuutit taamaalillutik amerlippata, akissarsiarititanut aningaasartuutit tamarmiusut aningaasarsiat akileraaruteqaataasussat naatsorsorneranni ilanngaatigineqarsinnaaapput. Taamatuttaaq nunanut allanut nioqqutissiortut akitsuummumt aningaasartuutaat aningaasarsiat akileraaruteqaataasussat naatsorsorneranni ilanngaatigineqarsinnaaapput. Akitsuutip aningaasarsianit akileraarutitigut isertinneqartussanut qanoq amerlatigisunik ikilisitsinissaa naatsorsorneqarsinnaanngilaq, oqaatigineqartutummi akitsuutip tunisassiorfinni sutigut allannguuteqartitsisinaanera pillugu paasissutissat pigineqanngillat.

Qaleralinnik annissuinermi akitsuummumt atatillugu allaffissornermut aningaasartuuteqarnerulernissaq Akileraartarnermut Aqutsisoqarfiup naatsorsuutigaa, tassa suliffeqarfinnut nakkutiliilluni pulaarnernut, nioqqutissianik ineriikkanik misissuineranut il.il.

4. Inuussutissarsiutinik ingerlataqartunut aningaasatigut allaffissornikkullu sunniutissai

Siunnersuut inunnut suliffeqarfinnullu inatsisissatut siunnersuummi pineqartunut aningaasatigut sunniuteqassaaq, umiarsuaatileqatigiiffimmi aammalu nunanut allanut nioqqutissiortut

sinneqartoorutaat tamarmiusut akitsuutitut aningaasartuutaanerusussanik akissarsiarititanul-
luunniit aningaasartuutunik ikilisinneqartussaammata.

Akitsuutip ikerinnarsiortunik aalisarnermeersup ilaata inuttanit akilerneqarnissaa naatsorsuuti-
gineqarsinnaavoq, tassa pisat naapertorlugit akissarsisitseriaatsip kingunerisaanik, aamma tak.
immikkoortoq 6.

Taamatuttaaq aamma akitsuutunik naatsorsuineq akiliinerlu umiarsuaatileqatigiiffinnut aam-
malu nunanut allanut nioqquutissiortunut allaffissornermik kinguneqartussaavoq.

5. Avatangiisinut, pinngortitamut inuillu peqqissusiannut sunniutissai

Siunnersuutip avatangiisinut aamma/imaluunniit pinngortitamut sunniuteqangaarnissaa naat-
sorsuutigineqanngilaq.

Aamma siunnersuutip inuit peqqissusiannut sunniuteqarnissaa naatsorsuutigineqanngilaq.

6. Innuttaasunut sunniutissai

Siunnersuut, aalisakkanik ikerinnarsiortunik Tunumi aalisarnermit akitsuutip pilerinarsagaasu-
mik aaqquissuusaanerisa kingunerisaannik Nunatsinni suliffissaqartitsiniarnermut iluaqutaas-
sangatinneqarpoq.

Annisuinermit akitsuutip qalerallit Kalaallit Nunaanni suliarinissaannik aningaasatigut ornigi-
narsaanerata kingunerisaanik nunatsinni suliffissat amerlingaatsiarsinnaanerata naatsorsuutigi-
neqarpoq. Aammali akitsuut suliffeqarfiit isertitaannik ikilisitsiartoratarsinnaavoq, tamannalu
suliffissanik naleqarsinnaalluni.

Angallatini aalisakkanik ikerinnarsiortunik aalisartuni inuttat aalisarnermi pisat naapertorlugit
akissarsisinneqartarpata, akitsuullu akissarsianit tamarmiusunit ilanngaatigineqassappat ta-
manna inuttat akissarsiamikkut aamma malugissavaat.

Siunnersuutip innuttaasunut allaffissornermik sunniuteqarnissaa naatsorsuutigineqanngilaq.

7. Sunniutissai pingaarutillit allat

Inatsisissatut siunnersuutip pingaarutilinnik allanik sunniuteqarnissaa naatsorsuutigineqanngi-
laq.

8. Oqartussaasunik kattuffinnillu il.il. tusarniaaneq

Inatsisissatut siunnersuutip ilaa, Tunumi aalisakkat ikerinnarsiortut ilaasa akitsuutaannut tun-
ngasoq 2015-imi piffissami 2. junimiit 6. julimut ukununnga tusarniaassutigineqarpoq:

KANUKOKA, Sulisitsisut (Grønlands Erhverv), NUSUKA, S.I.K., KNAPK, Aalisarnermut, Piniarnermut Nunalerinermullu Naalakkersuisoqarfik aamma Inuussutissarsiornermut, Suliffeqarnermut Niuernermullu Naalakkersuisoqarfik.

Aammattaq inatsisissatut siunnersuut tusarniaavimmi ugguuna tamanut saqqummiunneqarpoq www.naalakkersuisut.gl

Tusarniaanermi akissuteqarnissamut piffissaliussaq qaangiummat akissuteqartuupput KANUKOKA, Sulisitsisut (Grønlands Erhverv), Aalisarnermut, Piniarnermut Nunalerinermullu Naalakkersuisoqarfik, Inuussutissarsiornermut, Suliffeqarnermut Niuernermullu Naalakkersuisoqarfik kiisalu Pinngortitamut, Avatangiisinut Inatsisinillu Atortitsinermut Naalakkersuisoqarfik. Oqaaseqaatit tiguneqartut ataani nalinginnaasumik allanneqarput, Naalakkersuisut akissutaat *uingasumik* allanneqartut.

KANUKOKA kommunit sinnerlugit nalunaaruteqarpoq inatsisissatut siunnersuutip tusarniaassutigineqarneranut akissuteqartoqassanngitsoq, tusarniaanermimi piffissaliunneqartoq julip qaammataata aallarteerneranut killeqarmat tusarniaassutigineqartoq tunngavissaqarluartumik suliarineqarsinnaanngimmat. Kommunit inatsisissatut siunnersuutip tusarniaassutigineqarneranut akissuteqannginnerat Inatsisartuni ilaasortanut ilisimatitsissutigineqassasoq KANUKOKA-p kissaatigaa, julimmi qaammataata tusarniaaffiusannginnissaanik, aammalu tusarniaanerit sivikinnerpaamik sap.ak. tallimaasarnissaannik Namminersorlutik Oqartussat kommunillu 20. maj 2010-imi isumaqatigiissutaat eqquutsinneqanngimmat.

Naalakkersuisut maluginiarpaat inatsisissatut siunnersuut tusarniaassutigineqarsimasoq piffissami 2. juni 2015-imiit 6. juli 2015-imut. Tassa imaappoq inatsisissatut siunnersuut sivikinnerpaamik sap.ak. tallimanik piffissaliilluni tusarniaassutigineqarsimavoq. Piffissami tusarniaaffiusumi ullut suliffiit 25-upput, taakkunannga julimi ullut sisamaallutik. Siunnersuutip tusarniaassutigineqarnissaa tamanna eqqarsaatigalugu ajunngitsutut isigineqarsimavoq, naak tusarniaanermi piffissaliussap amiakkua julip ulluini siullerniikkaluartoq. Tamatuma ilutigisaanik inatsisissatut siunnersuut pineqartoq tassaavoq aalisarnermik suliaqartunik allanillu peqateqarluni oqaluuserineqartunut attuumassuteqarluinnartoq. Inatsisissatut siunnersuutini taamaattunik suliaqarnissamut piffissaliussaasartut amerlasuutigut sivikitsuinnaasarput kinguaattoortoqaratarsinnaasarlunilu, ilaatigummi ataatsimiittarnerit, imarisaasa isummerfigivinneqarnissaat, nutserinerit il.il. pissutigalugit nalinginnaasumik piffissaliussaasartut sa-neqqutilarneqarnissaat pisariaqarsinnaasarpoq.

Naalakkersuisut naggasiullugu oqaatigissavaat inatsisissatut siunnersuut pineqartoq aningaasarsiorneq, suliffeqarneq aalisarnerlu pillugit politikikkut suliniutinut ataatsimoortunut ilaammat, taamaammallu suliap taamatut ingerlanneqartariaqarsimaneranik paasinnikkummanngitsoqassappat tamatuma inatsisissanik pingaarutilinnik suliaqarnermut kinguaarsaataannissaa Naalakkersuisut isumannartoqartikkaat.

Sulisitsisut (GE) oqaatigaat aalisakkanik ikerinnarsiortunik aalisarneq kalaallit umiarsuaatileqatigiiffiinit aningaasatigut piginnaasatigullu unammilligassaqartitsisoq. Umiarsuaatileqati-

giiffiit aningaasarsiorluarsinnaagaluartut aningaasaliinerit aningaasatigut ajornartoortitsisinaalluarput, aalisakkammi pineqartut Kalaallit Nunaata eqqaani aalisarneqarsinnaanerit qanorlu sivisutigisumik aalisarneqarsinnaanissaat arlaannaataluunniit ilisimangilaa. Aalisakkanik ikerinnarsiortunik aalisarnerup iluanaarutaasinnaanerinnaata politikikkut sammineqarnera inatsisissatut siunnersuummi takuneqarsinnaavoq.

Avaleraasartuunik il.il. aalisarnerup Nunatsinni nutaajunera tassungalu atatillugu, matumani aamma umiarsuaatileqatigiiffiit aalisarnermit iluanaarutissaannut tunngasut eqqarsaatigalugit, nalorninartorpassuaqarnera Naalakkersuisut ilisimavaat. Nalorninartut tamakku siunnersuutip suliarineqarnerani ilanngullugit isiginiarneqarput.

Aalisarneq pillugu politikki, aalisarneq pillugu inatsisit aamma akileraartarneq/akitsuutit pillugit inatsisit apeqqutaatinnagit ataqatigiissunik atugassaqartitsiviusoq Sulisitsisut (GE) qasseeriaqalutik ugartortarpaat. Inatsisissatut siunnersuut Aningaasaqarnermut Naalakkersuisoqarfiup Aalisarnermut, Piniarnermut Nunalerinermullu Naalakkersuisoqarfimmumut, aalisarneq pillugu politikkimik tamarmiusumik nutarterinissaq siunertarerpiarlugu aalisarnermik sulialinik tamanik qaammatini kingullerni suleqateqarsimasumut ataqatigiinngitsumik sulineranut aammaarluni assersuutissaavoq. Isumalluutunik atuinerit akiliuteqartitsisarnerup, aalisarnerup iluani unammilligassat tamarmiusut suunerinik paasiniaalluni misissueqqissaarlunilu suliamit immikkoortinneqarnera Sulisitsisut (GE) isornartoqartippaat ataqatigiissaagaannngitsutululu isigalugu. Inatsisissatut siunnersuut allaanngilaq landskarsimik immiiniaannarluni aningaasarsionnikkut politikkimik immikkoortumik ingerlatsineq, aalisakkanik avammut niuernerup siunissaq ungasinnerusoq eqqarsaatigalugu pitsaannorsarneqarnissaanik siunertaqannngitsooq.

Inatsisissatut siunnersuutini, matumani aamma aalisarnermi akitsuutit pillugit inatsisissanik suliaqarnermi politikikkut allaffeqarfikkullu ingerlaavartumik ataqatigiissaarisooqartarpoq. Avaleraasartuunnaannngitsut, aammali aalisakkat ikerinnarsiortut allat aningaasarsiutaasinnaasut akitsuusersorneqalernissaat Naalakkersuisut eqqortuusoraat, tamatta aalisagaatitta ilaannik taakkuninnga aalisartut atuinerminnut akiliuteqartussanngorlugit.

Akitsuusersuinerimik aqqissuussineq tapersersorneqarlunilu oqimaatigiissaagaassaaq. Ingerlatsiviup akitsuummik angissusiliinnginnermi kingunerisassanik misissueqqissaqqaar-nissaa pitsaasuussaaq. Aalisakkanimmi ikerinnarsiortunik akitsuuseeriaatsit assigiinngitsut kingunissai naatsorsorneqarsimannngillat, akitsuutillu aalisarneq pillugu politikkimik suliamut ingerlareersumut ataqatigiissaagaannngitsumik angissusiligaapput. Inuussutissarsiummik ingerlataqartut tamanna attanneqarsinnaannngitsutut isigaat, periaaserlu taanna inatsit siorna allannngortinneqarmat Sulisitsisut (GE) isornartorsiorpaat.

Inatsisissatut siunnersuutip umiarsuaatileqatigiiffinnut kingunerisinnaasaanik naatsorsukkanik peqarnissap pitsaasuunissaanik oqarneq Naalakkersuisut isumaqatigaat. Paasissutissanilli sukumiisunik, ingerlatsiveqarfiup naatsorsukkanik tamakkuninnga suliaqarsinnaaneranut atugassanik naammattunik peqartoqannngilaq. Tamanna ilaatigut siunertaralugu, Inuussutissarsiuutigalugu aalisarneq pillugu tunisassiornikkut aningaasaqarnikkullu paasissutissanik nalunaarutiginnittarneq pillugu Namminersorlutik Oqartussat nalunaarutaat nr. 11, 29. juni 2015-imeersoq, nunami inuussutissarsiutit pingaarnersaat pillugu paasissutissanik ingerlatsi-

veqarfiup misissueqqissaarnissami atugassaanik peqalernissamik siunertaqartoq Naalakkersuisut aalajangiuppaat.

Inatsisissap siunertaraa inuiaqatigiit iluanaaruteqarnerunissaannik qulakkeerinissaq. Tunngavilersuut tamanna Sulisitsisut (GE) akerlerinngilaat. Umiarsuaatileqatigiiffiit amerlasoorujusuarnik aningaasaliisussanngortullu aalisarnermik ingerlataqartut 60 mio. kr.-inik aningaasartuuteqarnerulersinniarneqarnerat Sulisitsisut (GE) akerleraat. Sulisitsisut (GE) isumaqarput siunnersuut inuiaqatigiinnut aningaasarsiornikkut iluanaarnannginneroqisumik, taamatullu aamma pisortat karsiinut isertitsissutaanikinnerusumik kinguneqaratarsinnaasoq.

Siunnersuut umiarsuaatileqatigiiffiit 2015-imut tunngatillugu, akileraarutit ilanngaatigereerlugit katillugit 12,8 mio. kr.-it missinginik aningaasartuuteqarnerulersannik kinguneqasaaq. Aningaasat taakku umiarsuaatileqatigiiffinnit maanna nammanneqarsinnaasut Naalakkersuisut naliliipput.

Immikkoortoq 4-mi oqaasertaliussaq una eqqunngilaq: ”Umiarsuaatileqatigiiffiit aningaasartuutaanerusussat inuttanit akilersissagaat naatsorsuutigineqarpoq”.

Oqaasertaliussaq allanngortinneqarpoq.

Sulisitsisut (GE) tunngavippiaatigut isumaqarput inatsisissatut siunnersuut siunissaq ungasinnerusooq eqqarsaatigalugu aalisarnermik nutaamik, Kalaallit Nunaata inuiaqatigiinni aningaasarsiornikkut ukiorpassuarni iluaqutiginnaasaanik ineriartortitsinissamut akornutaaratarsinnaasoq, pisariaqartunik aningaasaliisussat landskarsip siunissami qaninnermi immerneqarnissaa pissutiginnarlugu qunulersinneqanngippata.

2015-imi avaleraasartoorarnissami pisassinneqarnissamik qinnuteqartut amerlanerujussuat tunngavigalugu Naalakkersuisut naliliipput siunnersuut aalisakkanik ikerinnarsiortunik aalisarnerup ineriartortinnissaanut akornutaanavianngitsoq.

Aalisarnermut, Piniarnermut Nunalerinermullu Naalakkersuisoqarfiup oqaatigaa naalakkersuisoqarfik tunngaviatigut isumaqarmat, inuussutissarsiummik ingerlataqartut aalisarnermik ineriartortitsinermut ukiuni aggersunissaaq aningaasaleeqqittariaqartarnissaat akitsuutit aqqissuunneqarneranni eqqaamaneqartariaqartoq. Tassunga uiggiullugu APNN-ip pitsaasutut nalilerpaa akitsuuseeriaatsimik aqqissuussinerup kalaallit nunallu allamiut angallataataat immikkoortimmagit.

2015-imi avaleraasartoorarnissami pisassinneqarnissamik qinnuteqartut amerlanerujussuat tunngavigalugu Naalakkersuisut naliliipput siunnersuut aalisakkanik ikerinnarsiortunik aalisarnerup ineriartortinnissaanut akornutaanavianngitsoq. Akitsuutinik aqqissuussinerup allanngortinneqarnerata ilaatigut siunertaraa kalaallit aalisarnermik inuussutissarsiutaata ineriartortinneqarnissaanut pilerinarsaanissaq.

Aalisakkat ikerinnarsiortut tunuliaqutsiullugit isertitassanik taama amerlatigisunik aningaasanut inatsisissamut inissiinissap nalorminartulerujussuusinnaanera APNN-ip oqaatigaa, aalisakkammi assigiinngitsut nuttartarnerisa, amerlassusiisa, nerisassaqarniarnerisa assigisaasalu al-

lanngorarnerat aalisakkat pisarineqartut ikileriarujussuarnerannik, taamatullu aamma akitsuutit ikileriarujussuarmissaannik kinguneqarsinnaapput.

Aalisakkat pisarineqartut amerlassusiisa akillu piffissap sivikitsup ingerlanerani allannguuteqarujussuarsinnaanerit Naalakkersuisut ilisimavaat. Taamaammatt aalisarnerup tamarmiut akitsuutitigut inatsisiliuunneqarnissaa anguniarlugu sulisoqarpoq, tamatumalu ilaatigut siunertaraa aalisakkanik aalajangersimasunik aalisarnerit ataasiakkaat allanngorarpallaarnissamit sunneruminaallisarneqarnissaat.

Tusarniaanermi akissuteqartut allat siunnersuummut oqaaseqaatissaqanngillat.

Siunnersuut, qaleralinnik immannguaannaq sulianik suliarineqanngitsunillu annissuinermi akitsuuummut maanna eqqartorneqartumut pingaarnertigut assingusoq 2014-imi piffissami 13. junimiit 18. julimut ukununnga tusarniaassutigineqarpoq:

KANUKOKA, SIK, Kalaallit Nunaanni Sulisitsisut Peqatigiiffiat (GA), KNAPK, NUSUKA, KPMG Grønland, Deloitte, BDO, Grønlands Revisionskontor, Inuussutissarsiornermut, Aatsitassaqarnermut Suliffeqarnermullu Naalakkersuisoqarfik aamma Aalisarnermut, Piniarnermut Nunalerinermullu Naalakkersuisoqarfik.

Tusarniaanermi tassani akissuteqarnissamut piffissaliusaaq qaangiummat GA, SIK, KNAPK aamma Polar Seafood Greenland A/S akissutisiffigineqarsimapput.

Tusarniaaneq imaattunik oqaaseqaateqarfiuvoq:

Siunnersuutip saqqummiunneqarnissaa GA-p kissaatiginngilaa, GA-mi isumaqarmat siunnersuummut atatillugu naammattunik misissuisoqarsimanngitsoq.

- GA aamma Polar Seafood Greenland A/S isumaqarput: siunnersuut ilimagisat tunngavigalugit suliaasoq,
- siunnersuutip suliffissaqartitsinissamik sunniutissai qulakkeerneqarsimanngitsut,
- siunnersuut neriuutigineqartutuut Kalaallit Nunaanni suliffissat amerlinerannik kinguneqassagaluarpat aasaanerani suliassat isumaginissaannut sulisussat piginnaasaqarluartut pissarsiarinissaat ajornartorsiutaasassasoq, tamannalu tunisinermik killilersuinermik kinguneqassasoq,
- qaleralinnik Kalaallit Nunaanni suliaqarnerulernissaaq kissaatigineqarpat tunitsiveqarnikut tunisassiorfeqarnikkullu, taamatullu aamma assartuinermit piorsaanerunissamut aningaasaliisoqartariaqartoq,
- J-cut-inik suliaqarnissamik piunasaqaat pitsaassutsimut ajorseriaataassaaq, aalisakkammi marloriarlugit qeritinneqartariaqartassammata, tamannalu nioqqutissiat inarneqarnerminni pisisartunit pilerigineqarnerannut millisaataassaaq, taamatullu aamma akinut apparsaataassalluni, aamma

- nunanut allanut nioqquteqartut isertitaat akitsuutip kingunerisaanik ikileriassapput, tamanalu tunisinermi akit appasinnerunissaannik kinguneqassaaq.

Naalakkersuisut isumaqarput siunnersuut, isertitassatut suliffissaqartitsinermullu sunniutissatut naatsorsuutaasut eqqarsaatigalugit nukingiunneqartariaqartoq.

GA-p aamma Polar Seafood Greenland A/S-ip naatsorsuutigaat kilisaatit tunisassiorfiutigisut siunnersuummi pineqartunut ilaanngitsut, naak tamanna siunnersuummi erseqqarissumik allasimangikkaluartoq.

Kilisaatit tunisassiorfiutigisut akitsuut pillugu siunnersuummi pineqartunut ilaanissaat siunniussaangimmat tamanna eqqortuuvoq, kilisaatimmi marloriaammik akitsuusiiffigineqarnissaat siunertaanngilaq (tassa qalerallit pisarineqartut akitsuutaasa qalerallit nunanut allanut nioqqutigineqartut akitsuutaannik qallernerisigut). Akitsuummik marloriarluni akiliinnginnissaq ersarissarniarlugu siunnersuut iluarsineqarpoq.

Polar Seafood Greenland A/S-ip oqaatigaa J-cut-it siunnersuummi allanneqarsimaneratut tassaangimmata avaleraajakkat.

Siunnersuut paasisstissineq naapertorlugu iluarsineqarpoq.

SIK siunnersuummut oqaaseqaatissaqanngilaq, piffissarli iluatsillugu oqaatigerusuppaa inatsissatut siunnersuutip aalisakkat Kalaallit Nunaanni suliarineqartarnerisigut suliffissaqartitsinerulersitsiniarnermik imaqarnera nuannaarutigigini.

Aalisakkanik nioqqutissiat Kalaallit Nunaanni suliarineqartartut ilaneqarnissaat/amerlineqarnissaat KNAPK-p tunngaviatigut tapersersorpaa. Aalisakkalli tunineqarneranni akigitinneqartut appartinneqarnissaat pinngitsoorniarlugu qanoq iliortoqarniarnersoq inatsisissatut siunnersuummi takuneqarsinnaanngilaq.

Naalakkersuisut isumaqarput tunisinermi akit inatsisikkut aaqqinneqartariaqanngitsut, illua'tungeriilli isumaqatigiinniartarnerisigut aalajangersarneqartariaqartut. Akitsuut siunnersuutigineqartoq tunisinermi akinut qanoq sunniuteqassanersoq, taamaassappallu qanoq annertutigisumik sunniuteqassanersoq isumaqatigiinniarnarit taakku aalajangissavaat.

Aalisakkat niaqusa kiisalu immaqa paperuisa avaleraasalu igiinnarneqartartut qanoq atorluarneqarnerusinnaanerat KNAPK-p misissugassaqqitsippaa.

Aalisakkanik tunisassiornermi perlukut pitsaanerusumik atorneqarsinnaanerannik misissuisoqartariaqarnera Naalakkersuisut isumaqatigaat.

Avaleraasartooriarnermut atatillugu nunaqavissunik illersuinerusumik inatsiseqartitsinissaq KNAPK-p kissaatigaa. Tassa imaappoq minnerpaamik soorlu raajarniarnermisuulli.

Avaleraasartooriarnermut atatillugu nunaqavissut illersorneqarnissaat pillugu aalajangersagaliornissamik apeqqut piffissap misileraaffiup naammassineqarnissaanut utaqqissunneqassasoq Naalakkersuisut isumaqarput, tassa misileraalluni aalisarnerup atuutsinneqarneranit ingerlanneqarneranillu misilittakkanik tunngaveqarluni.

Aalajangersakkanut ataasiakkaanut oqaaseqaatit

§ 1-imut

Nr. 1-imut

Inatsimmi pineqartut aalisakkat ikerinnarsiortut ilaannik Tunumi aalisarnermi pisarineqartunik aammalu qaleralinnik annissuineramik ilaneqarnerisa kingunerisaanik inatsisip taaguutaanik allannguneq aalajangersakkap kinguneraa.

Nr. 2-mut (§ 1, imm. 1)

Siunnersuutaavoq inatsisip atuuffia ilaneqassasoq, suliffeqarfiit inuillu aalisakkat ikerinnarsiortut ilaannik, matumani aamma ammassassuarnik ammassannillu Tunumi aalisarnissamut pisassinneqarsimasut pineqartunut ilaalersillugit.

Aammattaaq siunnersuutaavoq erseqqissarneqassasoq akitsuusigassaatitaasut maannamutuut tassaammata Kalaallit Nunaata oqartussaaffigisaani qaleralinniarnissamut pisassiissutit aammalu nunat allat oqartussaaffigisaanni qaleralinniarnissamut Naalakkersuisunit pisassiissutigineqartut. Naalakkersuisut aalisarneq pillugu isumaqatigiissut naapertorlugu nunap taassuma allap oqartussaaffigisaani aalisarnissamut pisassiisinnaatitaappata, taava taamatut pisassinneqarnermi landskarsimut akitsuummik akiliisoqassaaq. Tunumi pisaassiiffiit nunat tamalaat immamik misissuisarnermut ataatsimiititaliaata (ICES-ip) aalisarfigeqqusai tassaapput II, V, XII aamma XIV, imartani Kalaallit Nunaata oqartussaaffigisaaniittut. Akitsuut pisat ilaannit, suliffeqarfiup inuulluunniit Kalaallit Nunaanni tunitsivimmumt tunisassiorfimmulluunniit tunisussaannigisaanit naatsorsorneqassaaq. Aalisakkanut ikerinnarsiortunut tunngatillugu maanakkuugallartoq tunisussaataaneq aalajangersarneqanngilaq. Tassa tunisussaataaneq taanna atuutilersinneqartinnagu akitsuut aalisakkat ikerinnarsiortut pisarineqartut tamarmiusut tunngavigalugit naatsorsorneqartassaaq.

Aalisakkat ikerinnarsiortut pisarineqartut tamarmiusut tassaapput pisat allattorsimaffiini allasimasut, tassa aalisakkat uumatillutik oqimaassusiat kiilunngorlugu naatsorsugaq. Oqimaassusiat assigiimmik naatsorsorneqartassaaq, apeqqutaatinnagu aalisakkat kalaallit angallataataat nunalluunniit allamiut angallataataat atorlugit pisarineqarsimanersut, aamma apeqqutaatinnagu aalisakkat nunatta nunalluunniit allat imartaanni pisarineqarsimanersut.

Angallatinut RSW-nik imaluunniit CSW-nik tankilinnut (tankit aalisagaasiviit immikkoortut, aalisakkat nunamut tulaanneqannginneranni nillartaartinneqarfigisaat. Tankit imarmik sikunik akusamik aamma/imaluunniit nillartaartitsissut mekaniskiusoq atorlugu nillartaartinneqartumik imaqarput) tunngatillugu imaappoq, pisassiissutit tulaassinerumt uppernarsaatit (tunisinermi allagartat oqimaalutaanermiluunniit allagartat) malillugit ilanngarneqartarlutik, tassa pisat ilaat tankiniitinneqartut eqqarsaatigalugit. Pisat sinneriunnagaasa oqimaassusiat pisanut allat-tuivimmi nalunaarsorneqarsimasoq tunngavigalugu naatsorsorneqassaaq.

Suliffeqarfik inulluunniit aalisarnissamut pisassinneqarsimasoq akitsuutip akilernissaanut pi-sussaavoq. Akitsuut kvartalikkaartumik naatsorsorneqarlunilu akileraaruseriffimmut akilerne-qassaaq.

Nr. 3-mut (§ 1, imm. 2)

Aalajangersakkap kingunerisaanik inatsisip atuuffia ilaneqarpoq, suliffeqarfiit inuillu qalera-linnik Kalaallit Nunaanniit annissuisut, tassa imaappoq nunanut allanut nioqquteqartut pine-qartunut ilaalersillugit.

Qaleralinnik annissuinermi akitsuut, qalerallit suliarineqanngitsut imaluunniit niaqui paperui-luunniit atatiinnarlugit suliarineqarsimasut Kalaallit Nunaanniit annissorneqartut amerlassusi (kiilui) malillugit naatsorsorneqassaaq.

Aalisakkat Kalaallit Nunaanni suliarineqarpata, tassa niaquerlugillu paperuerneqarlutik, taava annissuinermi akitsuut akilerneqassanngilaq.

Akerlianilli aalisakkat Kalaallit Nunaanni, assersuutigalugu avaleraat niaquiluunniit kisiisa peerneqarlutik kingorna Kalaallit Nunaanniit anninneqarpata, taava annissuinermi akitsuut si-unnersuutigineqartoq akilerneqassaaq.

Qalerallit tulaanneqartut immannguaannaq suliat suliarineqanngitsulluunniit tamarmik annis-suinermit akitsuuserneqassapput, apeqquaatinnagu qalerallit sinerissamut qanittumi aalisar-nermi pisaanersut imaluunniit tasaanersut avataasiorluni qaleralinniarnermi pisat ilaat tulaan-neqartussat.

Avataasiorluni qaleralinniarnermi pisarineqartut ilaat tulaanneqartussaannngitsut taamaallaat § 3-mi aalajangersagaq naapertorlugu akitsuuserneqassapput. Marlورياammik akitsuusiisoqan-ginnissaa tassuunakkut siunertarineqarpoq.

Nunanut allanut nioqqutissiortoq, soorlu tunisassiorfik qalerallit tulaanneqartut naammattu-mik suliarineqanngitsut kingornalu Kalaallit Nunaanniit anninneqartut akitsuutaannik tamati-gut akiliisussaatitaavoq, nunanut allanut nioqqutissiortoq allamik pissuteqartumik pisat akit-suutaannik akiliisussaatitaagaluarpalluunniit.

Nr. 4-mut (§ 2)

Akitsuummik akiliisussaatitaanerup atuutilerfissaa aalajangersakkami aalajangersarneqarpoq.

Avataasiorluni qaleralinniarnermi pisarineqartut aamma aalisakkat ikerinnarsiortut ilaasa akit-suutaannut tunngatillugu siunnersuutaavoq piffissap akitsuummik akiliisussaatitaalerfissap tassaaginnarnissaa piffissaq pisarineqarfiat.

Qalerallit annissorneqartut akitsuutaannut nutaamut tunngatillugu siunnersuutigineqarpoq akitsuummik akiliisussaataalerfik qalerallit Kalaallit Nunaanniit anninneqarfianni atuutissa-soq.

Nr. 5-imut (qulequtaq)

Inatsimmi pineqartut aalisakkat ikerinnarsiortut ilaannik Tunumi aalisarnermi pisarineqartu-nik aammalu qaleralinnik annissuineramik ilaneqarnerisa kingunerisaanik inatsimmi qulequtta-mik allanngueq aalajangersakkap kinguneraa.

Nr. 6-imut (§ 3a)

Siunnersuutaavoq aalisakkat ikerinnarsiortut ilaat Tunumi aalisarnermi pisarineqartut, avale-raasartuut akitsuutaata maanna atuuttup saniatigut, isumalluutininik atuinermi akiliummik akit-suusersorneqalissasut.

Akitsuutip angissusia allanngorartuuvoq, apeqqutaatillugu aalisakkat angallat Kalaallit Nu-naanni imaluunniit nunani allani, matumani aamma Danmarkimi, Savalimmiunilu angerlarsi-maffeqartutut nalunaarsorneqarsimasoq atorlugu pisarineqarsimanersut. Aalisartut nunatsin-neersut amerliartornissaat pilerinarsarniarlugu aalisakkanut angallatit Kalaallit Nunaanni angerlarsimaffeqartutut nalunaarsorneqarsimasut atorlugit pisarineqartunut akitsuut appasin-nerpaatinneqarpoq.

Umiarsuaq nunani allani, Savalimmiuni Danmarkimiluunniit nalunaarsorneqarsimasoq inutta-qartinnagu, kisiannili angallatip naalagaa maskinmesterialuunniit, imaluunniit taakku marluk pinnagut, umiarsuaatileqatigiiffimmit nunatsinneersumit assartuutissatut atorneqarpat (bare-boat-charter) taanna kalaallit umiarsuaattut matumani isigineqassaaq. Akerlianik umiarsuaq nunani allani, Savalimmiuni Danmarkimiluunniit nalunaarsorneqarsimasoq, umiarsuaq asser-suutigalugu aquttua ilanngullugu umiarsuaatileqatigiiffimmit nunatsinneersumit attartorneqar-pat, umiarsuaq taanna inatsit naapertorlugu kalaallit umiarsuaattut isigineqassanngilaq.

Imm. 2-mi aalajangersagaq taamaallaat aktie- imaluunniit anpartsselskabinut atuuppoq, tassa imaappoq selskabinut allanut inunnulluunniit atuugani. Tassunga atatillugu pingaartinneqar-poq aalajangersakkap selskabinut nalinginnaasumik atugaasunut misilittagaqarfigineqarluar-tunullu atuuttuunissaa.

Nr. 7-imut (qulequtaq)

Inatsimmi pineqartut qaleralinnik immannguaannaq sulianik suliarineqanngitsunillu annissui-nermik ilaneqarnerisa kingunerisaanik inatsimmi qulequttamik ilanngussineq aalajangersak-kap kinguneraa.

Nr. 8-mut (§ 3 b)

Siunnersuutaavoq qalerallit immannguaannaq suliat suliarineqanngitsullu annissorneqarneranni kiilumut akitsuutaat 2,00 kr.-inik angissusilerneqassasoq. Akitsuusigassaatitaasut kiiluisa amerlassusii periaatsit, nioqutissanik annissuinermi nalunaarsuiffiit uppersaatillu EUR 1-it oqimaassutsinik nalunaarsuiffineqartarneranni atugaasut assigalugit naatsorsorneqassaput.


Nr. 9-mut (§ 7)

Siunnersuutip § 7-imut maanna atuuttumut sanilliullugu imaraa Naalakkersuisut qalerallit akitsuutaannik akiliinnginnissamik qinnuteqaammik akuerinnissinnaanerisa annertusineqar-nissaa, tassa aalisakkanut inatsimmi pineqartunut allanut aammattaaq atuuttunngorlugu.

Siunnersuutaavoq Naalakkersuisut, misileraalluni aalisarnermut atatillugu akitsuummik tamakkiisumik ilaannakuusumilluunniit akiliinnginnissamik akuersisinnaanissaat. Aalajangersagaq assersuutigalugu atorneqarsinnaavoq piniutinik nutaanik allatulluunniit assingusumik ineriartortitsissutissatut atugassanik misileraalernermi, kiisalu misileraalluni aalisarnerit im-mikkut ittut taamaaliornissaq pissutissaqartippassuk.

Aalajangersagaq aalisarnerup iluani suliffeqarfinniluunniit ataasiakkaani nalinginnaasumik aningaasarliortoqartillugu akitsuummik akiliinngitsoortitsinissamut tunngavigineqarsinnaan-gilaq.

Aalajangersagaq taamaallaat Tunumi sumiiffik 1-ip, tassa Tunumi aalisarfiup 62°30'N-ip avannaaniittup, 66°15'N-illu kujataaniittup, kimmullu 37°00'W-mut killeqartup aammalu aal-lisarfiup kangimut killinganut killeqartup avataani ikerinnarsiortunik aalisarnermut atuuppoq.



Nr. 10-mut (§ 8, imm. 1)

Inatsimmik unioqutitsisoqartillugu pineqaatissiissutit pillugit aalajangersagaq atuuttoq siunnersuutikkut nutarterneqarlunilu allannguinerup kingunerisaanik allannguuteqartinneqarpoq. Tassa imaappoq inatsimmi § 1, imm. 2-mik, § 3, imm. 1-imik, § 3 a, imm. 1-imik aamma § 3 b-mik unioqutitsinerit akisussaatsinermik kinguneqarsinnaalissasut.

§ 2-mut

Inatsisartut inatsisaata 1. januar 2016-imi atortuulernissaa siunnersuutaavoq.